

Ngunu Tanii mi Gyodo

Ngunu Tanii mi gyodo
Torii apoo pa siiko kolyañ mi,
huhlo huhpyañ niipa.
Gyai apoo pa yorbii yorlyañ mi,
Gyalo gyapyañ niipa.
Siika kiidi doter ho lankkanuhę kiiror,
Miyumima hii salla-gyalla dunya duh .
Pinii supuñ daka dunii
miillañru lankkanuhę kiiror miyu hemi,
Moh agiñ ho ahkiñcho hala hendo.
Miyu kontii mapa siika kiidi-yapuñ
doter hoka nisiñ-niji achu - amio ho
alyi-yasi miter Pinii moh mi
herii kencho hala hendo !
Pinii hii ngunu tanii mi
Hemper hendo ngunu ganda mi
Zimmiñ ka Ziro ganda mi
koker miiyañ, darii chanchañ, myobia-biila
neli-bubu
putu duker biido pa puliñ bitii ,
apoo kapio, ahie kapio duliñ bitii ;
Ngunu ganda mi kadi-kadi kaka ko
Kanii yasi kappa la kalyu lama, kapio do .
Nuri-piisa hii niimañ chuju pa, habu-sulyu
Putu haho ho, hapiñ punko ho.
Niisiñ-niiji hii dodu piicho do
arroh konchi ho

Takhii-kubu soniiñ, piita adu nii

chulye -palye

moreh-giira ho .

Ngunu ganda ka ajuh si

Hutho-miilo, chomyo-riiki

Danyi-rila tiire byope- byose

Jabio-alyie tiire busu-busu.

Talley pengo mi kacha koho, murpa sai

Hiinger riicho dagur biido .

Jabyo poroh kalo koho,

Sarse-endi komañ-riiyañ

dupyañ biido .

Siisañ yaya jiji yaya-do

Myodi yaya mormo yaya do.

Abya arañ hokii, lengo aji kaliñ biilla ,

Yorlu lyapio, balyi balu ,

midiñ endi, ager sarse

tanyi papii, taku murruiñ mi kaka ko.

Lengo bije, sansu nyatu, sadi sapa ,

moreh-giira;

habuñ-buluñ, kiiley biniin ,

alie-yasi mi, henka hakoho .

Ngunu ganda, tani ganda jasi .

Kapyio-chanchañ!

Jisu apo mika miichi lala,

Kakiñ donii hiilyañ do

Dopuñ-miido hulyi hoka ,
nyime-yarru ka aji-mugu ho ,
yasi tanga niisi.

Jabyo-poro ho, allo donge ho,
Apañ kemañ ka jaliin niisi.

Kiisañ-kiimañ joju niire

Kiibyoy-kiilyo kiiley tolyo.

Takuñ apoo, semoh apoo mika

Jarko-jarko padu alyie helo niisi.

Yapuñ jiji mi jomii katah la

Diimi-diima pa kappa niisi .

Pinii ka, hiimper hellaka, puliñ nanii

Alla mi kappa biido niitañ do !

Piinii hii ngunu ganda, niitañ kapio do ,

hii chuli, ngunu miyu ka ahha miter,

kapio tohiñ cho hala hendo .

Pinii moh mi mekiñ cho,

Jije mi mechi kencho hala hendo!

Henchiñ manii mi hela rigii

Tachiñ manii mi tala rigii

Dema bomi denki rigii

Luru bomi luji rigii

Ropo roliñ mi, biisi sinu

Kibo killiñ mi, puyu lunu

Tohiñcho hala hendo.

Barmii-juma mi judiñ miigii

Oho-byama mi byadiñ miigii .

Tagiañ-chidii ka tape-yame ka

diiri mi darkhu darpa tela,
panii hime,manii hime
dodiñ barmii ,dolo barmii
tiihiñ nuni pa, tiimo buyu pa
hakhu hendər
Jisu ka balyi –ballu aya ho
Sari-gyari ken- cho hala hendo!
Ngunu henju-hemyo hii
lottii-chikii, patii-miirii
yanu-rusu, chimiñ-miiki
jinjiñ-miiriñ, parda-chikii pa
sankiñ cho hala hendo .
Siika ganda simi ,
kai- kagoh, pai-lyengo
ho sangii-gyagii nii attoh pa .
duke nenañ la ngunu mi gyodo.
Nyime pengo, nyipa pengo ka
niisiñ -niimañ hii, sannii buyeh abi ,
anii tahe abi ,
Ngunu Tanii niili mi ,
mohlu ka Pinii mika assañ ko
Ngunu tanii miyu attañ miter
assañ moya pa hala gyodo .
Darii Yajiyalo ka agiñ ho; miilañ-miilañ mi
dahiñ-dahiñ tohiñ cho hendo !
Pinii ka heniiñ hii kalvery pogyañ ho,
Jisu ka ahie pa lyila biliñ !
Moh siika hellu ka ahie biliñ niisi mi ,

Jisu Kristo ka shiigur ahie biniin mi .

Supuñ miilañ rumi ,

henje kencho hala hendo .

Jisu siika doha-supuñ so

Tagyañ-hime mi khiipa-koya,

Miyu-mima mi aya manii kaliñ

hadu pa hala ahma,

mido- miyu la, iho-miiho

kodupa hala tiire ahma.

Jisu mo atoh ka heniin mi kakiñ dupa

Hala sii asu nii.

Pinii ka heniin hii ngunu mulañ jami

Sango- diimo mi miiyiñ niipa

Hago -iireh mi rahiñ niipa ,

Yordiñ enjalo engii-niipa,

Yorko injalo ingii-niipa

Tayiñ niti niipa, taako niiroh niipa .

Donii- tani hii, piimi-riyi

Robo-toroh hii, myomi-takhi .

Neha lembo hii jijiñ –miiriñ yapa .

Ho Jisu ka apoh mi siigoh pa atii biido-la

tonser rego ngunu miyu mi ,

moh agin-ho, Pinii ko

ahiñ- ahiñ ahi tohiñcho hala hendo .

Ngunu Neha tanii miyu hii

hiimi tachiñ ma .

Moh ka heru, pogyañ ka aguñ ,

Heniin aguñ , ho tornii aguñ ,

Jijeh aguñ mi tachiñ nyama !
Jisu sango ka mittu ,moh sango ka arañ
Mohmi apa lala la hang
Kone heter doliñ matii .
Baibel ka mitu ja pota Genesis mi kaka koho
Darii Yajiyallo , Pinii ho Jisu
Siika kiidi- miido mi mohlu hingru
ahiñ daba siibii dola
ahiñ pa puliñ puyiñ tii.
Dobii taker achu amyó, alyi yasie
ho miyu mima mitiire mohlu pulintii
Ho ngunu mi, tagyan himme mi
Kolyuñ pako, kolo pako hokiila
Kolyuñ lyunter kolo loter loye pa
Biisi tapyo mi situ giiniipa
Chimiñ puyu mi lutu giinii pa,
Birañ-kolyañ ka ganda
Erañ-kolyañ ka ganda
Ngunu ganda si
Pinii alah pa lyila hoye hoye
Ngunu Tanii mi Gyodo !

By Rev. Tage Donyi
